

Apposun COVID-19 - Amasa fengeni Monovalent (appos ika safei faniten chek eu samau) me Bivalent (appos ika safei faniten chommong samau)

Vaccinate WA
CovidVaccineWA.org



Melip kopwe rong ei kapas "monovalent" ika bivalent" ar repwe aia lupwen repwe aweweni ekkei apposun COVID-19. Sipwe poraus usun sokofesenin ekkei ruu sokkun appos, me auchean omw kopwe angei minefon appos mi bivalent (appos faniten chommong samau) lupwen kopwe tufichin angei.

Met sokofesenin lefilen ekkewe appos mi monovalent me bivalent?

Eu appos mi monovalent echek awenewen ngeni faniten eu chek menin samau.

Eu appos mi bivalent e awenewen ngeni ruu ika fen kinikinin met e forata eu menin samau.

Meni ekkewe apposun COVID-19 mi monovalent me meni a bivalent?

Ewe akaewin apposun COVID-19 e katou fiti me ekkewe e aewin katou faniten booster ika kapachetan appos ina ir mi monovalent*. Ekkei appos re for ika kawor seni ewe menin samau e afisata ewe samaun COVID-19.

Ekkewe minefon appos e keran katou seni Pfizer me Moderna faniten COVID-19 ir re nom lon kinikinin bivalent. Ir re for ika kawor seni ewe akaewin menin ei samau COVID-19, fiti fengen me ekkewe sokopaten menin ei samau re keran kapacheta ren ewe omicron, BA.4 me BA.5.

Ekkewe appos ir mi bivalent re kon nien pochokul seni ekkewe monovalent?

Ekkewe pekin kao ika nenengeni ekkei appos e pwarata pwe ekkewe appos mei keran katou minefo ir mei bivalent faniten COVID-19 e kon lap met sokkun samau re appeti seni ewe samaun COVID-19 mwan ekkewe appos mi monovalent iwe epwal langatam fansoun manamanen ewe appos an epwe appeti samau watte me/ika mallo seni ewe menin samau, akaewin ekkewe menin samau e feito seni ewe omicron.

Ekkewe appos mi kapacheta ren Novavax mi monovalent mi wor faniten ekkewe mi watte ierir ika pwe ra fen awesi ika angei ar appos ren fitu ururun appos repwe angei nge resamwo angei ekkewe kapacheta appos faniten COVID-19 - me ika pwe resapw angei ika rese tongeni angei ekkewe appos mi kapacheta mi bivalent ren mRNA. Ekkewe minefon appos seni Novavax **rese awenewen ngeni ekkewe menin samau seni ewe omicron.*

Pwata e auchea ach sipwe angei ekkewe minefon ika kapachetan appos mei bivalent?

Mi auchea kopwe angei ekkewe appos mei bivalent pwokiten iei chek ewe sokun apposun COVID-19 e kawor an epwe apeti ika tumunuk seni chommong ekkewe menin samau ra kon afeiengaw ren ewe omicron menin COVID-19 iei ei mi chiwen chek cheufetal iei lon US.

Met upwe chiwen angei ekkewe appos mi bivalent ika pwe a fen urri ei COVID-19 me ika uwa fen angei appos nge ekkewe mi monovalent?

Ewer, sia pesei omw kopwe angei ekkewe appos ika minefon appos mi nom lon tikin bivalent ika pwe en mi tufch ngeni ina mwo ika pwe en mi pin urruk COVID-19 ika fen ka pin appos ekkewe appos mi nom lon tikin monovalent. Ren an epwe pwung ngeni pochokulen me manamanen ekkei appos, ekkewe ir mi pin urrir COVID-19 repwe ekkis ammanga ar repwe angei ewe apposun COVID-19 murin 3 maram me mwirin an we urrir menin ewe samau ika ar we tes e positive, pachelong ekkewe minefon appos mi kapacheta.

Met mi afil meni sokkun appos mi bivalent upwe angei?

Semirit ier 6 maram - 4 ier repwe chek angei ekkewe minefon appos mi bivalent mi wewe ngeni ekkewe appos re akaewin angei me mwan.

Semirit ier 5 re angei ekkewe appos me mwan seni ewe Pfizer repwe pwal chek angei minefon appos mi bivalent seni Pfizer.

Semirit ier 5 re angei ekkewe appos me mwan seni ewe Moderna ir mi tongeni angei ekkewe minefon appos mi bivalent seni Moderna me Pfizer.

Ekkewe ier 6 me watte seni ir mei tongeni angei ekkewe appos mi bivalent seni ewe Moderna ika ewe Pfizer ina mwo ika mei sokolo ewe sokkun apos re angei me mwan.